

Na osnovu čl. 8. i 21.-25. Statuta Saveza računovođa, revizora i finansijskih radnika Federacije BiH i člana 22. Poslovnika o radu i odlučivanju Upravnog odbora, a u skladu s čl. 3., 7. i 8. Pravilnika o kontinuiranoj profesionalnoj edukaciji lica iz računovodstvene profesije, Upravni odbor Saveza računovođa, revizora i finansijskih radnika Federacije BiH na sjednici održanoj 6.5.2008. godine donosi

ODLUKU

o licenciranju lica iz računovodstvene profesije za 2009. godinu

I

Licima u zvanju „certificirani računovođa“ i „certificirani računovodstveni tehničar“ koja, prema evidencijama Saveza, ispune uslov kontinuirane profesionalne edukacije (40 sati KPE) tokom perioda od 1.1.2008. do 31.12.2008. godine i koja plate članarinu za 2008. godinu, Savez će izdati i dostaviti licence (dozvole za rad) za 2009. godinu, bez posebnih zahtjeva ili drugih uslova.

II

Licima koja plate članarinu Saveza za 2008. godinu automatski se priznaje 5 sati na ime samoobuke u smislu članka 5. Pravilnika o kontinuiranoj profesionalnoj edukaciji lica iz računovodstvene profesije.

III

Popis lica u zvanju „ovlašteni revizor“ koja, prema evidencijama Saveza, ispune uslov kontinuirane profesionalne edukacije (40 sati KPE) tokom perioda od 1.1.2008. do 31.12.2008. godine i koja plate članarinu za 2008. godinu, Savez će dostaviti Federalnom ministarstvu finansija.

IV

Lica u zvanju „certificirani računovodstveni tehničar“ i „certificirani računovođa“ koja tokom perioda od 1.1.2008. do 31.12.2008. godine ne ispune uslov kontinuirane profesionalne edukacije u skladu s tačkom I. ove Odluke neće biti u mogućnosti nakon 31.12.2008. godine nadoknaditi broj sati koji im nedostaje i Savez im neće izdati licencu za 2009. godinu.

Lica u zvanju „ovlašteni revizor“ koja tokom perioda od 1.1.2008. do 31.12.2008. godine ne ispune uslov kontinuirane profesionalne edukacije u skladu s tačkom I. ove Odluke neće biti u mogućnosti nadoknaditi nakon 31.12.2008. godine broj sati koji im nedostaje niti će biti uvršteni na popis kojeg će Savez će dostaviti Federalnom ministarstvu finansija.

V

Ova odluka stupa na snagu danom donošenja, a za njeno tumačenje je nadležan Upravni odbor Saveza.

Ova odluka će se objaviti na web stranici Saveza.

Mostar, 6.5.2008. godine

Predsjednik UO Saveza
Augustin Mišić

Broj: O-1/7-08